

SAKSPAPIR

Saksnr	Utval	Type	Dato
022/15	Levekårsutvalet	PS	03.03.2015

Saksbehandlar	ArkivsakID
Kristin Moe	15/557

Hasjavvenningsprogram (HAP) for ungdom mellom 15-20 år, som er busett i Nordhordland

Vedlegg:

Hasjavvenningsprogram

Rådmannen sitt framlegg til vedtak:

Politi, helsesøster og barnvern bør samarbeide om oppfølging av ungdom som blir meldt for bruk av narkotika for første gong. Rådmannen ser til at det blir utarbeidd ei rutineskildring for dette samarbeidet.

Levekårsutvalet - 022/15

LE - behandling:

Framlegg frå Krf:

Rådmannen sitt framlegg med endring:

Lindås kommune ber om at politi, helsesøster og barnevern samarbeider om oppfølging av ungdom som blir meldt for bruk av narkotika for første gong. Rådmannen ser til at det blir utarbeidd ei rutineskildring for dette samarbeidet.

Framlegget frå Krf vart vedteke med 8 røyster (Jostein Hellestveit-Sp, Kjell Fagna-H, Asle Hetlebakke-Krf, Sæbjørg H. Kjekja-Krf, Vetlemøy Wergeland-Krf, Mette Bøe-Ap, Bjørn Brunborg-Ap, Gudmund Husdal-Frp).

Framlegg frå Bjørn Brunborg-Ap:

Rådmannen sitt framlegg med tillegg:

Levekårsutvalet ber rådmannen avklare om helsesøstertjenesten og barnevernstjenesten i

Lindås har tilstrekkeleg ressurser til å delta i det samarbeidet som er beskrevet.

Levekårsutvalet ber rådmannen få ei fagleg vurdering frå dei involverte instansar om arbeidsmetodikk og rollefordeling som er beskrevet i saksframlegget.

Framlegget frå Bjørn Brunborg-Ap vart vedteke med 8 røyster (Jostein Hellestveit-Sp, Kjell Fagna-H, Asle Hetlebakke-Krf, Sæbjørg H. Kjeka-Krf, Vetlemøy Wergeland-Krf, Mette Bøe-Ap, Bjørn Brunborg-Ap, Gudmund Husdal-Frp).

LE - vedtak:

Lindås kommune ber om at politi, helsesøster og barnevern samarbeider om oppfølging av ungdom som blir meldt for bruk av narkotika for første gong. Rådmannen ser til at det blir utarbeidd ei rutineskildring for dette samarbeidet.

Levekårsutvalet ber rådmannen avklare om helsesøstertjenesten og barnevernstjenesten i Lindås har tilstrekkeleg ressurser til å delta i det samarbeidet som er beskrevet.

Levekårsutvalet ber rådmannen få ei fagleg vurdering frå dei involverte instansar om arbeidsmetodikk og rollefordeling som er beskrevet i saksframlegget.

Saksopplysningar:

Politisk handsaming

Saka skal avgjerast i Levekårsutvalet.

Bakgrunn

Politiet informerer om at i dag blir ungdommar som vert melde for bruk av hasj og anna narkotika for første gong, vert gjeve ei påtaleunnlating eller bot for forholdet, samt ein samtale med ungdommen og verje. Ungdommane vert ikkje følgt opp med andre førebyggjande tiltak, verken frå politiet eller kommune. Kommunane ved barnevernet vert informert om det straffbare forholdet når ungdommen er under 18 år, men det er heilt unntaksvis at barnevernet gjer noko med ei slik enkeltståande hending.

Politiet ønskjer:

Politiet ønskjer å bruke hasjavvenningsprogram som ein del av vilkåra i ei vilkårsbunden straffereaksjon med prøvetid. Hasjavvenningsprogram er i korte trekk eit tilbod som ved hjelp av samtalar, har som mål å motivere ungdom til å slutte med hasj. Dette ved å auke kunnskapen rundt rusmidlet samt gjere ein meir medviten på eigne val.

Politiet ønskjer å utferde ei påtaleunnlating med vilkår i saker der ein ungdom i aldersgruppa 15-20 år vert meldt for bruk av narkotika for første gong. Vilkåret er at ungdom saman med verje skal møte til samtalar i kommunal regi, som eit førebyggjande tiltak for ungdomen, som

skildra over.

Politiet ønskjer primært at slike samtalar vert samordna «interkommunalt», for å sikre at ungdommane får ei eins handsaming samt at det er god kvalitet på samtalanene. Politiet meiner at kompetanse på området er ein føresetnad for å kunne foreta slike samtalar med ungdommane. Politiet veit at tilsette ved «salto» har kompetanse gjennom kurs på HAP.

Politiet meiner at «Salto» bør få i oppdrag frå den einskilde kommune å stå for desse samtalanene. Politiet kan ikkje utferde påtaleunnlating med vilkår, dersom ein ikkje er 100 % sikker på at kvar kommune har eit apparat som kan foreta slike førebyggjande samtalar på ein tilfredsstillande måte.

Politiet peikar på at kommunane ved barnevernet vil verta gjort kjent med det straffbare forholdet. Vert det utferda påtaleunnlating med vilkår, vil barnevernet få beskjed om at vilkåra er følgt opp eller ikkje. Der barnevernet allereie har kontakt med denne ungdommen/heimen, må andre tiltak vurderast.

Politiet ber om at den einskilde kommune handsamar dette innspelet, og kjem med tilbakemelding om kommunen ønskjer å vere med på eit slikt førebyggjande tiltak.

Dersom den einskilde kommune ønskjer å vere med på eit slikt førebyggjande tiltak, ønskjer politiet at kommunen kjem med tilbakemelding om korleis dei vil foreta slike førebyggjande samtalar og kven som skal ta desse samtalanene med ungdommane.

Vurdering

Innspelet til politiet har vore handsama i leiargruppa for Oppvekst samt rådmannen sitt leiarteam, og ein ser at politiet sitt framlegg kan sikre ungdommane tettare oppfølging etter det første lovbrøtet enn ved dagens ordning.

Lindås kommune har som fleire kommunar utfordringar når det gjeld rus. Kommuneoverlegen har tidlegare peika på at utfordringane er størst i forhold til alkohol og aldersgruppa 40+ då det er her konsumet stig. UngData viser at i ungdomsgruppa er rus med alkohol og andre rusmiddel på veg nedover. Ungdommen har aldri vært så skikkeleg som no. Denne trenden er i heile landet og rusforskarane veit ikkje heilt årsaka ,men tenker at det kan handle om kva som er inn.

Folkehelsemeldinga har eit stort fokus på skulen som ein viktig førebyggjande arena og ein stad for Folkehelsearbeid og viser også viktigheten av å styrke skulen og skulehelsetenesta. Helsesøster er utdanna til å kunne identifisere og gje eit «lågterskel-tilbod» til elevar som slit psykisk , i forhold til rus og andre eksistensielle spørsmål og problem.

I Lindås kommune har helsesøster også opplæring i Motiverande intervju . Motiverande intervju eller samtale er en samarbeidsretta samtalestil. Målet er å styrke egen motivasjon og engasjement i forhold til endringar. I forhold til dei ein ikkje klarer å fange opp eller der det er store grunnleggjande problem knytt til fråvær vil barnevernet være ein viktig kontakt og dei jobbar systemretta og individretta i forhold til ungdom. Dei har også ein god oversikt over kva for ungdommar som ikkje er i skulen og som har eit rusproblem.

Lindås kommune vil ikkje ha høve til å ta over politiet sitt ansvar i høve til førebyggjande arbeid, som melom anna er regulert i Politilova § 13: «*Dersom politiet har grunn til å tro at en*

person under 15 år har begått en ellers straffbar handling, eller at en person under 18 år har begått en straffbar handling, kan den mindreårige og foreldrene pålegges å møte for politiet til samtale for å forebygge ytterligere lovbrudd. Før samtalen starter skal den mindreårige og foreldrene gjøres kjent med at de ikke har plikt til å forklare seg.»

I ny Lov om konfliktbehandling (konfliktrådsloven) som var gjeldande frå 1.juli 2014, er det heimla tre nye straffereaksjonar; Ungdomsstraff og Ungdomsoppfølging for ungdom mellom 15 og 18 år som har utført alvorleg og/eller gjenteke kriminalitet, og Oppfølging i konfliktråd for personar over 18 år.

Målsetjinga med reaksjonane er å førebyggje nye lovbrøt samt motverke ein vidare kriminell utvikling på individnivå. Konfliktrådet er ansvarleg for tiltaket og koordinerer arbeidet. Ungdomskoordinator ved konfliktrådet har koordineringsansvar i høve til Ungdomsstraff og Ungdomsoppfølging. Den einskilde ungdom skal følgjast opp av eit tverrfagleg oppfølgingsteam, som består av representantar frå politi, barnevern, skule og andre aktuelle etatar og institusjonar.

Lindås kommune har hatt ein samarbeidsavtale med konfliktrådet sidan slutten av september -14, og barnevernet er tenkt å ha ei nøkkelrolle i det framtidige samarbeidet. Difor skal barnevernet ha ein fast representant i det kommunale oppfølgingsteamet. Vidare vil helsesøster ved den skulen den aktuelle eleven går på, vere ein naturleg samarbeidspart i oppfølginga av ungdommen.

Bergen kommune har brukt skulehelsetenesta og helsesøster i dette arbeidet saman med politiet der det blei gitt påtaleunnlating. Dei som fekk dette måtte ha samtaler med helsesyster som brukte teknikken Motiverande intervju. Evalueringa i ettertid var svært tilfredstillande (Vurdert av Bergensklinikkane i samråd med fleire).

I høve til ungdom som blir meldt for bruk av narkotika for første gong, kan det vere hensiktsmessig at ungdommen får oppfølging av politi, helsesøster og barnevern i samarbeid. Det bør utarbeidast ei rutineskildring for dette samarbeidet, for å sikre at aktørane kjenner til kvarandre sine roller og ansvar. Slik kan tilsette innafor skulehelsetenesta og barnevern samarbeide med politiet om oppfølging av denne målgruppa.